



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e - mail: info@voda.ba

Broj: **UP-1/21-3-40-607-5/22**
Datum: **12.04.2023. godine**

«Agencija za vodno područje rijeke Save» rješavajući po zahtjevu pravnog lica, «ZE-STEEL GALVANO» d.o.o. Zenica za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda sa lokaliteta pogona za površinsku zaštitu metala - galvanizacija metala metodom cinkovanja smještenog u Poslovnoj zoni «Zenica I», grad Zenica, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola pravnom licu, «ZE-STEEL GALVANO» d.o.o. Zenica za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda sa lokaliteta pogona za površinsku zaštitu metala - galvanizacija metala metodom cinkovanja smještenog u Poslovnoj zoni «Zenica I» na zemljištu označenom kao k.č. broj: 290/16 i 290/17 K.O. Zenica I, grad Zenica.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog pogona vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se za vrijeme trajanja ove dozvole a u skladu sa dostavljenim dinamičkim planom koji je sastavni dio rješenja u potpunosti realizuju radovi predviđeni projektnom dokumentacijom, tj. da se završe svi radovi na izgradnji sistema za prikupljanje i tretman tehnoloških otpadnih voda nastalih u procesu galvanizacije metala metodom cinkovanja odnosno radovi na instaliranju postrojenja za tretman istih, montiranju neophode tehnološke opreme i stavljanje istog u funkciju te da se prije puštanja postrojenja u pogon izgradi posebno reviziono okno na mjestu priključka prečišćenih voda na gradsku kanalizacionu mrežu.
 - 2.3. Da se usvojenim tehničkim i tehnološkim rješenjem iz projektne dokumentacije i realizovanim radovima poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent na mjestu ispusta, ostanu u maksimalno dopuštenim granicama definisanim u Prilogu 28. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.4. Ukoliko Vlada Zeničko-dobojskog kantona propiše dodatne (strožije) uslove od uslova definisanih u Prilogu 28. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi ispoštovati.
 - 2.5. Da se u roku važenja ovog rješenja ishoduje okolinska dozvola od nadležnog Ministarstva.
 - 2.6. Objekte kako postojeće, tako i one koji će se, nakon realizacije predviđenih radova, koristiti u svrhu prikupljanja, odvodnje i tretmana tehnoloških otpadnih voda nastalih u krugu pogona (postrojenje za tretman tehnoloških otpadnih voda sa linije alkalnog i kiselog cinkanja, kanalizaciona mreža, taložni kanali, sabirne kade, spremnici,...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu održavanja radova neophodno je voditi službenu evidenciju i arhivu.
 - 2.7. U toku izvođenja radova na predmetnom lokalitetu neophodno je osigurati stručni nadzor nad izvođenjem istih te poduzeti sve potrebne mjere zaštite da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.

- 2.8. Čišćenje i održavanje postrojenja za tretman tehnoloških otpadnih voda, nakon realizacije svih projektom predviđenih radova i puštanja u funkciju istog, te skladištenje i zbrinjavanje sadržaja (taloga) iz postrojenja i ostalog opasnog otpada može vršiti isključivo firma ovlaštena za tu vrstu djelatnosti, prema posebnom ugovoru. O načinu i vremenu pražnjenja, odvoza i zbrinjavanja sadržaja iz postrojenja za tretman otpadnih voda kao i preuzimanje drugog opasnog otpada neophodno je voditi službenu evidenciju i arhivu.
- 2.9. Nakon realizacije projektom predviđenih radova na sistemu prikupljanja i tretmana tehnoloških otpadnih voda, u prisustvu nadzora radova izvršiti potpuno blindiranje (zatvaranje) postojećeg ispusta tehnoloških otpadnih voda iz taložnih kanala i prihvatnog bazena u gradski kanalizacioni sistem.
- 2.10. Da se obezbijedi siguran način skladištenja hemikalija koje se koriste u tehnološkom procesu površinske zaštite metala na način da se onemogući dospijevanje istih u površinske i podzemne vode.
- 2.11. Da se u skladu sa propisima iz oblasti zaštite okoliša, vrši bezbjedno i redovno skupljanje opasnog otpada nastalog u postupku površinske zaštite metala kao i čvrstog opasnog i neopasnog otpada sa kompletnog kruga pogona (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode), isti propisno skladišti do njegovog konačnog zbrinjavanja od strane ovlaštene organizacije.
- 2.12. Nakon izgradnje postrojenja za tretman tehnoloških otpadnih voda i ostalih radova obuhvaćenih projektom dokumentacijom i dinamičkim planom, Investitor je u obavezi da uradi Projekat izvedenog stanja kompletnog sistema za prikupljanje, i tretman tehnoloških otpadnih voda i isti priloži prilikom podnošenja zahtjeva za izdavanje nove vodne dozvole.
- 2.13. Vlasnik, odnosno korisnik objekta je dužan, nakon realizovanih radova, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na mjestu ispusta u gradsku kanalizacionu mrežu u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).). Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 2.14. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 2.15. Sadržaj (mulj) iz taložnih kanala, postrojenja za tretman tehnoloških otpadnih voda sa linije alkalnog i kiselog cinčanja, nakon instaliranja, kao i ostali opasni i neopasni otpad, ne smiju se ni privremeno odlagati na česticu «vodno dobro» odnosno u vodotoke i na njegove obale.
- 2.16. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnim objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.

7. Ukoliko radom predmetnog pogona dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola se, shodno članu 26. stav (1) Uredbe o uslovima ispuštanja otpadnih voda u okoliš i sisteme javne kanalizacije, daje sa rokom važenja do 19.12.2023. godine uz uslov da se realizacija aktivnosti iz dinamičkog plana obuhvaćenih tačkom **2.2.** dispozitiva rješenja u cjelosti ispoštuju.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenju ovog vodnog akta.

O b r a z l o ž e n j e

Pravno lice, «ZE-STEEL GALVANO» d.o.o. Zenica obratilo se ovoj Agenciji dana 03.11.2022. godine sa zahtjevom za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda sa lokaliteta pogona za površinsku zaštitu metala - galvanizacija metala metodom cinkovanja smještenog u Poslovnoj zoni «Zenica I», grad Zenica.

Uz zahtjev nije dostavljena dokumentacija koja je propisana članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19 i 41/20) te je dopisom broj: UP-1/21-3-40-607-2/22 od 11.01.2023. godine zatraženo od podnosioca zahtjeva da istu dopuni što je i urađeno u ostavljenom roku.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 043-0-Reg-21-000655 izdatog dana 19.08.2021. godine od strane Općinskog suda u Zenici,
- Ovjerena kopija Uvjerenja o registraciji poreznog obveznika izdatog dana 09.03.2020. godine od strane Porezne uprave Federacije BiH - Kantonalni porezni ured Zenica,
- Ovjerena kopija Zemljišnoknjižnog izvotka broj: 043-0-NAR-22-015407 ZK uložak broj: 607 izdatog dana 05.10.2022. godine od strane Zemljišnoknjižnog ureda Općinski sud u Zenici,
- Ovjerena kopija katastarskog plana parcele označene kao k.č. broj: 290/16 i 290/17 K.O. Zenica I, grad Zenica izdatog dana 04.10.2022. godine od strane Službe za imovinsko-pravne, geodetske poslove i katastar nekretnina Grad Zenica,
- Ovjerena kopija dopisa broj: 03-19-20358/22 - Izvod iz planske dokumentacije dostavljenog dana 05.10.2022. godine od strane Službe za urbanizam Grad Zenica,
- Kopija Ugovora o prodaji poslovnog objekta zaključenog dana 06.11.2008. godine između Općine Zenica i «ZE-STEEL» d.o.o. Zenica notarski obrađenog kod notara Sabira Sarvan iz Zenice (izvornik OPU: 4155/08),
- Kopija Izjave date dana 21.11.2008. godine od strane Načelnika općine Zenica gđina Husejina Smajlovića da je Općina Zenica vlasnik i posjednik poslovnog prostora označenog kao Industrijska hala «Radionica bravara» notarski obrađene kod notara Sabira Sarvan iz Zenice (izvornik OPU: 4448/08),
- Glavni projekat postrojenja za tretman tehnoloških otpadnih voda sa linije alkalnog i kiselog cinčanja «ZE-STEEL GALVANO» d.o.o. Zenica urađen od strane «TQM» d.o.o. Lukavac (reg broj: 10-125/22, broj protokola: 6331/22, decembar 2022. godine) - na uvid,
- Izvještaj o reviziji glavnog projekta postrojenja za tretman tehnoloških otpadnih voda sa linije alkalnog i kiselog cinčanja «ZE-STEEL GALVANO» d.o.o. Zenica urađen od strane «Euroing» d.o.o. Bihać (broj rev: 02-01/23, januar 2023. godine) - na uvid,
- Kopija Potvrde broj: 203-682-2/23 SM o postojanju priključka poslovnog objekta «ZE-STEEL» d.o.o. Zenica na gradsku vodovodnu i kanalizacionu mrežu izdate dana 30.03.2023. godine od strane JP «Vodovod i kanalizacija» d.o.o. Zenica,
- Kopija Potvrde broj: 203-15564-1/22 PN priključka poslovnog objekta «ZE-STEEL» d.o.o. Zenica na gradsku vodovodnu izdate dana 17.11.2022. godine od strane JP «Vodovod i kanalizacija» d.o.o. Zenica,

- Kopija izvještaja o ispitivanju otpadnih voda broj: 7-164-1872/23 urađen u martu 2023. godine od strane «TQM» d.o.o. Lukavac,
- Kopija Ugovora o izvođenju radova na čišćenju separatora i odvozu otpadnog mulja i taloga broj: 1579/21-DS zaključenog dana 15.11.2021. godine sa «DELTA PETROL» d.o.o. Kakanj,
- Kopije faktura broj: 003631-1 od 15.11.2022. godine i broj: 000570-1 od 09.03.2022. godine (odvoz otpadne vode HCl razblaženi 10.000lit i 5.000lit) dostavljeno do strane «DELTA PETROL» d.o.o. Kakanj,
- Kopija Rješenja broj: UP1-14-21-2-07741/2022-14-2 izdatog dana 10.10.2022. godine od strane Federalne uprave za inspekcijske poslove - Vodni inspektor (prilog: Zapisnik o inspekcijskom nadzoru od 04.10.2022. godine),
- Termin plan za realizaciju aktivnosti na sistemu prikupljanja, tretmana i ispuštanja tehnoloških otpadnih voda iz pogona galvanizaciju metala «ZE-STEEL GALVANO» d.o.o. Zenica potpisan i ovjeren dana 31.03.2023. godine,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uslovima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog pogona u Zenici te je sačinjen zapisnik o izvršenom uviđaju broj: UP-1/21-3-40-607-3/22 od 27.02.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni pogon za galvanizaciju metala lociran je u Poslovnoj zoni «Zenica I» na zemljištu označenom kao k.č. broj: 290/16 i 290/17 K.O. Zenica I, grad Zenica. Objekat je ranije korišten kao Industrijska hala «Radionica bravara» i kao takav je prodat pravnom licu «ZE-STEEL» d.o.o. Zenica od strane Općine Zenica dana 06.11.2008. godine (priložen kupoprodajni Ugovor notarski obrađen od strane notara Sabira Sarvan iz Zenice). Predmetni pogon je trenutno izdat pod zakup ponosiocu zahtjeva od strane «ZE-STEEL» d.o.o. Zenica.
- Pogon se sastoji od dvije proizvodne linije kapaciteta oko 250 tona/liniji/mjesečno. Proces alkalnog i kiselog cinčanja namijenjen za antikorozivnu zaštitu materijala (čelik, aluminij i zamak-legura Al i Zn) se sastoji od sljedećih postupaka: ulazna kontrola, kačenje sirove robe, toplo hemijsko odmašćivanje, ispiranje, bajcovanje, ispiranje, elektro-odmašćivanje, ispiranje, aktivacija, ispiranje, cinčanje, ispiranje, osvijetljavanje, pasivizacija, ispiranje, siler, sušenje, istovar i završna kontrola, izlazna kontrola. Linija I instaliranog pogona/postrojenja za površinsku zaštitu metala sastoji se od 25 kada (7 ispirnih kada) zapremine od 4,8-6m³ dok liniju II čini 15 kada (5 ispirnih kada) zapremine od 1,25-5,4m³. U toku uviđaja utvrđeno je da linija II nije u funkciji.
- Prikupljene tehnološke otpadne vode (kiselo-alkalne vode nastale ispiranjem kada) se zasebnim kanalizacionim sistemom u podu objekta odvođe u prihvatni bazen zapremine 2m³ a potom odvođe u gradsku kanalizacionu mrežu preko separatora ulja i masti instaliranog na susjednoj parceli (k.č. broj: 290/495 K.O. Zenica I) za potrebe samouslužne praonice vozila «OZONE» vlasništvo «ZE-STEEL» d.o.o. Zenica koja nije predmetom izdavanja ove vodne dozvole.
- Istrošeni koncentraci nastali pri pražnjenju kada prikupljaju se u plastičnim kontejnerima i zajedno sa otpadnim talogom (privremeno deponovanim u kontejnere) odvoze od strane «DELTA PETROL» d.o.o. Kakanj prema posebnom ugovoru.
- Snabdijevanje predmetnog poslovnog objekta vodom za sanitarne potrebe i hidrantsku mrežu obezbijedeno je priključkom na vodovodni sistem grada Zenica kojim upravlja JP «Vodovod i kanalizacija» d.o.o. Zenica. Sanitarne-fekalne otpadne vode iz toaleta za uposlene se prikupljaju zasebnim kanalizacionim sistemom te odvođe u gradsku kanalizacionu mrežu.
- Projektom dokumentacijom urađenom od strane «TQM» d.o.o. Lukavac, decembar 2022. godine predviđeno je instaliranje postrojenja za tretman tehnoloških otpadnih voda kapaciteta 4m³/h koje ima kružni sistem sa jonskim izmjenjivačkim smolama za kiselo alkalne protočne ispirne vode i sistem šaržne obrade koncentrata.

Podnosilac zahtjeva je, u skladu sa članom 26. Uredbe o uslovima ispuštanja otpadnih voda u okoliš i sisteme javne kanalizacije dostavio Dinamički termin plan za realizaciju aktivnosti na sistemu prikupljanja i tretmana tehnoloških otpadnih voda iz pogona galvanizaciju metala te ispuštanja prečišćenih voda u recipijent za period do septembra 2023. godine u kome je dat:

- Spisak aktivnosti i mjera sa finansijskom procjenom za ulaganje

- Rokove u kojima će pravni subjekt realizirati pojedine aktivnosti te rok u kome se moraju realizirati svi radovi (predviđeni projektnom dokumentacijom) na sistemu za prikupljanje, tretman tehnoloških otpadnih voda i ispuštanje prečišćenih voda u recipijent

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog pogona i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 15. Uredbe o uslovima ispuštanja otpadnih voda u okoliš i sisteme javne kanalizacije. Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Konstatuje se da je podnosilac zahtjeva, «ZE-STEEL GALVANO» d.o.o. Zenica ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda sa lokaliteta pogona za površinsku zaštitu metala - galvanizacija metala metodom cinkovanja smještenog u Poslovnoj zoni «Zenica I», grad Zenica te je riješeno kao u dispozitivu ovog Rješenja. Podnosilac zahtjeva je uplatio upravnu taksu u iznosu od 70KM U skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih akata



Haris Ališehović
Haris Ališehović, dipl.ing.građ.

Dostaviti:

- «ZE-STEEL GALVANO» d.o.o. Zenica
ul Zmaja od Bosne bb, 72000 Zenica
- AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava